



Couverture ya Ekzame ya COVID-19 po na Baoyo Bazangi Assurance

Mokolo ya le 12 sanza ya mitano 2020

Couverture ya ekzame ya COVID-19 eza nini?

Couverture ya ekzame ya COVID-19 ezopesa assurance santé po na kosala ekzame pe misala ya koyeba bilembo ya COVID-19 po na bato oyo baza te na assurance santé. Yango etali ekzame yango moko mpe kokende na bureau ya monganga mpe botaleli. Mbala mingi bato bazobenga COVID-19 coronavirus. Couverture ya ekzame ya COVID-19 ezofuta te mpo na nkisi ya COVID-19.

Soki naza te na assurance santé, ekzame ya COVID-19 ekofutama?

Ee, okoki kondimama mpo basalisa yo ekzame ya COVID-19 mpe misala mosusu oyo etali maladi oyo. Soki bandimi yo, MaineCare ekofuta mosolo ya misala wana. Bakondima yo soki:

- Ofandaka na Maine;
- Oza mwana-mboka ya Etats-Unis, komonisa bosembo na Etats-Unis, to mopaya oyo andimama; mpe
- Oza na assurance santé te;
 - Ondimama te to okomisa nkombo te na MaineCare to Cub Care;
 - Okomisa nkombo te na programme mosusu ya bokolongono ya nzoto oyo guvernema ya mboka efutaka po na yango, na ndakisa: Medicare, TRICARE mpe Veterans Administration, mpe baplans ya santé po na moto asalaka na guvernema ya mboka; mpe
 - Okomisa nkombo te na plan ya santé oyo ya lisanga to na ebongiseli mosusu ya assurance santé.

Bakotanga te mbongo mpe biloko na yo po na ekzame ya COVID-19.

Osongeli kotondisa [formilere](#) ya lombango pe ya pasi te po na kozwa couverture po na ekzame mpe misala ya koyeba bilembo ya COVID-19. Ntango ozotondisa formilere, bakosenga yo moko ondimita ete ozalaka te na assurance santé.

Nasengli kotondisa formilere mpo na couverture ya ekzame ya COVID-19 po na nini?

Soki osalaki ekzame ya COVID-19 kozanga couverture oyo to assurance mosusu, okoki kozwa facture po na misala oyo. Soki okanisi okoki kozala na COVID-19 mpe monganga na yo andimi ete osengeli kosala ekzame, eza ntina mingi osala yango po ozala na bansango ya motuya oyo ekosalisa yo opesa te maladi na libota na yo, na baninga na yo pe na bato mosusu.

Bakofuta po na misala nini?

Soki bandimi yo, bakofuta po na ekzame ya koyeba soki oza na COVID-19, bakofuta pe po na misala mosusu na ndakisa visite na lopitalo pe botaleli. Benga monganga na yo liboso okende kokutana na ye, tuna bango soki bakoki kotalela yo na telephone to na video po na koyeba soki osengeli kosala ekzame mpe/to osengeli kokende kuna. Bakofuta mpe po na botaleli wana ya telephone to video oyo babengi "telehealth." Okofuta te po na ekzame to po na misala mosusu.

Ebongo soki esengili na ngai kozwa nkisi ya COVID-19?

Okoki kotalela [kotondisa formilere mpo na santé na Maine](#). Lisusu, soki assurance santé outaki kosila kala mingi te po esika na yo na mosala ebongwanaki, bakoki kondima kopesa yo lisungi ya mosolo mpo esalisa yo na kosomba assurance ya santé na bisika batekaka assurance ya santé ya etuka. Tosengi yo okende na www.SungaNGAI.gov po na koyeba maponi oyo eza po na yo.

Ebongo soki nasi nasalaki ekzame ya COVID-19 pe nazwaki facture?

Couverture ya ekzame ya COVID-19 po na bato bazangi assurance ebandaki na mokolo ya le 18 sanza ya misato 2020. Osengeli kotondisa formilere po na koyeba soki bakondima kofuta yo. Oza na basanza misato banda mokolo osalaki ekzame po na kosala lisengi wana ya kofuta yo po na yango. Na ndakisa, soki osalaki ekzame na mokolo ya le 30 sanza ya misato 2020, osengeli kotondisa formilere ya bosengi kino na mokolo ya le 30 sanza ya motoba 2020 pe okozwa mosolo. Likanisi oyo eza na ngala kino mokolo ya nsuka ya makambo oyo ya lisalisi mpo na makama ya mbalakaka, kasi tokokoba kolandela ba formileres ata nsima ya likama ya mbalakaka.

Soki otondisi formilere mpe bandimi yo, osengeli kosolola na lopitalo na yo po atindela MaineCare facture ya ekzame ya COVID-19 pe bakoba te kotindela yo facture po na ekzame to mosala nyonso ya koyeba bilembo oyo basalaki yo. Soki osi ofutaki facture, senga lopitalo na yo bazongisela yo mosolo wana pe yebisa bango batindela yango MaineCare po efuta bango.

Ebongo soki nazwi lisalisi mosusu ya santé ntango bazosala ngai ekzame ya COVID-19?

Soki ozwi lisalisi mosusu koleka oyo etali ekzame pe misala ya koyeba bilembo ya COVID-19, lopitalo na yo ekoki kofutisa yo po na misala wana.

Nakosala demande ya couverture po na ekzame ya COVID-19 ndenge nini?

Kosala demande po na couverture ya ekzame ya COVID-19 eza pasi te! Osengeli kotondisa [formilere](#) ya lokasa moko oyo eza na site internet ya Bureau mpo na Bonsomi ya Mabota (OFI). Okoki kotondisa yango na machine to ko imprimer na sima kotondisa na maboko. Bokoki kotondisa ba formileres yango na MaineCare na nzela ya email, ya kotinda na mokanda, to ya fax. Senga lopitalo na yo a imprimer formilere po na yo soki oza te na makoko ya kokota na internet.

Soki olingi kosala demande po na MaineCare mobimba, osengeli pe kotondisa nkasa ya mibale po na kobakisa bansango etali mosolo pe bozwi na yo. Okoki kobenga Consumers for Affordable Health Care (CAHC) na numéro 1-800-965-7476 po na koyanola mituna pe kosalisa yo ntango ozotondisa formilere. Bakoki pe kosalisa yo na koyeba maponi ya lisalisi oyo ezali po na yo.

Na kotinda formilere wapi?

Okoki kotinda formilere na yo na moko ya banzela oyo.

Mokanda:

Office for Family Independence
State of Maine - DHHS
114 Corn Shop Lane
Farmington, ME 04938

Email: farmington.dhhs@maine.gov

Fax: 1-207-778-8429

Ndenge nini nakoyeba soki bandimi demande na ngai?

Soki bamoni ete obongi po na kozwa lisalisi po na ekzame COVID-19 pe misala mosusu etali yango, okozwa nkoma oyo ekoyebisa yo ete bandimi yo pe bakotisi nkombo na yo na couverture Maine Rx. Maine Rx eza programme basala po na kosunga na kofuta mbongo ya nkisi oyo bakomi, kasi tozokotisa bankombo ya bato bazangi assurance santé na etuluku oyo po bazwa lisalisi noki. Na sima ya kokotisa nkombo na yo na programme oyo, okobonga pe na kozwa ba bakisi mpo na ntalo moke na carte na yo ya Maine Rx.

Soki otondisaki nkasa nyonso mibale ya formilere, bakotalela couverture MaineCare pe okozwa nkoma ekoyebisa yo ekateli bazwi. Soki bandimi yo, nkoma ekoyebisa yo ntango oyo couverture na yo ya MaineCare ekobanda. Soki baboyi kopesa yo MaineCare, nkoma ekoyebisa yo po na nini baboyi.

Nabenga nani soki naza na mituna?

Soki oza na mituna na oyo etali kosenga lisalisi po na kosala ekzame ya COVID-19, tosengi yo kobenga Bureau po na Bonsomi ya Mabota (OFI) na 1-855-797-4357. Ba oyo basalelaka TTY babenga 711.

Soki oza na mituna na oyo etali misala bako salisa na yango, tosengi yo obenga MaineCare Member Services na 1-800-977-6740. Ba oyo basalelaka TTY babenga 711.